

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650 A. Izetbegovića 60-2. 75246 Čelić E-mail: info@opcinacelic.ba
Broj: 02-45-568/25
Čelić, 23.04.2025. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), na preporuku komisije za nabavku broj: 05-45-568/25 od 22.04.2025.godine, u postupku javne nabavke radova „Proširenje postojeće javne rasvjete u Mjesnim zajednicama na području općine Čelić“, Općinski načelnik donosi:

ODLUKU ***o izboru najpovoljnijeg ponuđača***

Član 1.

Prihvata se preporuka komisije za javnu nabavku broj: 05-45-568/25 od 22.04.2025.godine i ugovor o izvođenju radova „Proširenje postojeće javne rasvjete u Mjesnim zajednicama na području općine Čelić“, dodjeljuje se ponuđaču d.o.o. „Papilon“ Koraj-Čelić, ponuda broj: 14/25 zaprimljena na protokol ugovornog organa dana 10.04.2025.godine, sa najnižom ponudenom cijenom i nakon održane e-aukcije u iznosu od 40.990,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 3.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je odlukom o pokretanju postupka javne nabavke broj: 02-45-568/25 od 18.03.2025.godine. Javna nabavka radova „Proširenje postojeće javne rasvjete u Mjesnim zajednicama na području općine Čelić“ provedena je putem otvorenog postupka. Procijenjena vrijednost javne nabavke iznosila je 61.792,50 KM bez PDV-a. Obavještenje o nabavci broj: 306-1-3-27-3-15/25 objavljeno je na Portalu javnih nabavki dana 19.03.2025.godine.

Komisija za javne nabavke imenovana rješenjem o imenovanju komisije za nabavku broj: 02-30-223/25 od 27.01.2025.godine nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o pregledu i ocjeni ponuda broj: 05-45-568/25 od 10.04.2025.godine, preporuku o izboru

najpovoljnijeg ponuđača broj: 05-45-568/25 od 22.04.2025.godine i izvještaj o radu komisije broj: 05-45-568/25 od 22.04.2025.godine.

U postupku po Izvještaju o radu utvrđeno je da je Komisija blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku javne nabavke pristiglo ukupno osam ponuda i to: „Saša Trade“ d.o.o. Doboj, „TESLALUKS“ d.o.o. Sarajevo, „Kop i Ko“ d.o.o. Živinice, „ERING“ d.o.o. Živinice, „NEXEN“ d.o.o. Banja Luka, „ELEKTRING“ d.o.o. Gračanica, d.o.o. „Papilon“ Koraj-Čelić i „Rimenerg“ d.o.o. Banovići,
- da je blagovremeno primljeno sedam ponuda,
- da je neblagovremena ponuda ponuđača „Rimenerg“ d.o.o. Banovići,
- da su ponude ponuđača „TESLALUKS“ d.o.o. Sarajevo i „ELEKTRING“ d.o.o. Gračanica nepravilne, odnosno neprihvatljive i kao takve su odbačene,
- da ponude ponuđača „Saša Trade“ d.o.o. Doboj, „Kop i Ko“ d.o.o. Živinice, „ERING“ d.o.o. Živinice, „NEXEN“ d.o.o. Banja Luka i d.o.o. „Papilon“ Koraj-Čelić ispunjavaju kvalifikacione uslove te su ocijenjene kao prihvatljive.

Dana 10.04.2025.godine u u 11:30 sati na protokol ugovornog organa zaprimljena je ponuda „Rimenerg“ d.o.o. Banovići. Kako je datum i vrijeme za prijem ponuda za predmetnu nabavku bio 10.04.2025.godine do 10 sati, što je navedeno u tenderskoj dokumentaciji broj: 02-45-568/25 i obavještenju o nabavci broj: 306-1-3-27-3-15/25 od dana 19.03.2025.godine, to je ponuda „Rimenerg“ d.o.o. Banovići neblagovremena, ocijenjena kao nepravilna, te vraćena neotvorena, a sve u skladu sa članom 63. stav (1) Zakona i članom 15. stav 6. Uputstva.

Pregledom i ocjenom ponuda uočene su računske greške kod ponuđača „Saša Trade“ d.o.o. Doboj i „ERING“ d.o.o. Živinice, te su istima dostavljeni zahtjevi za prihvatanje ispravke računske greške broj: 05-45-568/25 od 10.04.2025.godine, poslani putem e-maila 11.04.2025. godine. Oba ponuđača su 11.04.2025.godine putem e-maila dostavili saglasnost i izjavu o prihvatanju računske ispravnosti. Ponuđač „Saša Trade“ d.o.o. Doboj dostavio je saglasnost za ispravku računske greške broj: 05-04/2025 od 11.04.2025.godine, zaprimljenu u originalu dana 15.04.2025.godine, te Izjašnjene o prihvatanju ispravke računske greške od strane ponuđača „ERING“ d.o.o. Živinice od 11.04.2025. godine, zaprimljeno u originalu dana 14.04.2025. godine.

Pregledom i ocjenom ponuda utvrđeno je da je ponuda ponuđača „TESLALUKS“ d.o.o. Sarajevo neprihvatljiva. Naime, procijenjena vrijednost nabavke radova je 61.792,50 KM bez PDV-a (Obavještenje o nabavci broj: 306-1-3-27-3-15/25 od 19.03.2025.godine). Ponuda ponuđača „TESLALUKS“ d.o.o. Sarajevo broj: 01-07-04/25 od 28.03.2025.godine, zaprimljena na protokol ugovornog organa dana 08.04.2025. godine, za nabavku predmetnih radova iznosi 61.990,21 KM bez PDV-a. Član 2. stav (1) tačka l) alineja (2) propisuje da je neprihvatljiva ponuda ona ponuda čija cijena prelazi planirana, odnosno obezbijedena novčana sredstva ugovornog organa za nabavku. Član 5. stav (1) Pravilnika o uslovima i načinu korištenja e-aukcije (“Službeni glasnik BiH”, broj 80/23) glasi: “Prije zakazivanja e-Aukcije ugovorni organ vrši početnu ocjenu ponuda, što uključuje provjeru računske ispravnosti ponude i objašnjenje neprirodno niske cijene, te u sistem e-Nabavke unosi sve prihvatljive ponude definisane članom 2. stavom (1) tačkom l) alinejom 1) Zakona. Stav Agencije za javne nabavke broj: 04-02-1-9-2/23 od 13.01.2023.godine koji glasi:...” “U otvorenom postupku javne nabave i konkurentskom zahtjevu za dostavu ponude

neprihvatljivost ponude se cijeni u tijeku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije U tom smislu, uvažavajući odredbe članka 2. stavak (1) točka l), te članka 17. stavak (2) točka h) Zakona mišljenja smo da je ugovorno tijelo obavezno ocijeniti, kao neprihvatljivu, ponudu čija cijena prelazi planirana, odnosno osigurana novčana sredstva ugovornog tijela za nabavu..." Također, komisija se u svom obrazlaganju pozvala i na rješenje Ureda za razmatranje žalbi broj: JN2-03-07-1-313-8/23 od 03.03.2023. godine. Imajući u vidu naprijed navedeno, Komisija je jednoglasno odlučila da je ponuda ponuđača „TESLALUKS“ d.o.o. Sarajevo neprihvatljiva i uvažavajući odredbe člana 2. stav (1) tačka l) alineja (2) Zakona istu odbacila.

Pregledom i ocjenom ponuda utvrđeno je da je ponuda ponuđača „ELEKTRING“ d.o.o. Gračanica nepravilna. Član 2. stav (1) tačka l) Zakona propisuje: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.“.... Nepravilna ponuda je ona ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska. Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije. U tački 4. tenderske dokumentacije između ostalog navedeno je i: „Pri pripremi ponude ponuđač se mora pridržavati zahtjeva i uslova iz tenderske dokumentacije.. Članom 44. stav (2) Zakona propisano je da Ugovorni organ u tenderskoj dokumentaciji definiše uslove za kvalifikaciju na način da utvrdi minimum zahtjeva za kvalifikaciju kandidata/ponuđača u pogledu njihove lične sposobnosti, ekonomskog i finansijskog stanja, te njihove tehničke i/ili profesionalne sposobnosti. Stavom (3) istog člana propisano je: Minimum kvalifikacionih uslova koje ugovorni organ odredi za kandidate/ ponuđače, kao i dokumenti koji su potrebni za njihovo dokazivanje obavezno treba da budu srazmjerni predmetu javne nabavke i u skladu s njim. Postavljeni uslovi ne smiju imati ograničavajući karakter na konkurenciju i moraju biti jasni i precizni. Dalje, članom 48. stav (2) Zakona propisano je: Ako ugovorni organ zahtijeva dokaz o uredno izvršenim ugovorima, taj dokaz se podnosi u formi spiska izvršenih ugovora uz potvrdu o njihovoj realizaciji koju daje druga ugovorna strana. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde obezbijede. Članom 7. stav (1) Uputstva propisano je: Ugovorni organ određuje uslove finansijske i/ili tehničke i profesionalne sposobnosti kandidata/ponuđača u slučaju kada je zadovoljenje tih uslova nužna osnova za ocjenu sposobnosti kandidata/ponuđača za izvršenje određenog ugovora. Stavom (2) istog člana određeno je: Ako ugovorni organ određuje uslove finansijske i/ili tehničke i profesionalne sposobnosti, tada mora od kandidata/ponuđača tražiti da zadovolje minimalne uslove finansijske i/ili tehničke i profesionalne sposobnosti. Stavom (3) istog člana propisano je: Obim informacija i minimalni uslovi finansijske i/ili tehničke i profesionalne sposobnosti koji se zahtijevaju za određeni ugovor moraju biti u vezi sa predmetom nabavke i srazmjerni predmetu nabavke, odnosno lotu. Stavom (4) istog člana propisano je: Ako ugovorni organ od kandidata/ponuđača kao dokaz tehničke i profesionalne sposobnosti traži popis ugovora, smatra se da je uslov: a) u vezi sa predmetom nabavke, odnosno grupom predmeta nabavke, ako se traži dokaz o izvršenju istog ili sličnog, odnosno istih ili sličnih ugovora kao što je predmet nabavke, odnosno lot, te b) srazmjeran predmetu nabavke, odnosno lotu, u slijedećim slučajevima: 1) kada se traži dokaz o izvršenju jednog ugovora, ako njegov iznos nije viši od procijenjene vrijednosti nabavke, odnosno od procijenjene vrijednosti pojedinog lota; 2) kada se traži dokaz o izvršenju više ugovora, ako njihov zbirni iznos nije viši od

procijenjene vrijednosti nabavke, odnosno od procijenjene vrijednosti pojedinog lota. Uvidom u ponudu ponuđača „ELEKTRING“ d.o.o. Gračanica komisija je utvrdila da je isti dostavio referens listu ugovora, te potvrdu broj: I-08/22 od 08.08.2022.godine, izdatu od Širbegović Inženjering d.o.o., vrijednost ugovora 24.200,00 KM bez PDV-a. Potvrda izdata od Grad Gračanica broj: 05-24-01511-2025 od 09.04.2025.godine, u kojoj su navedena 5 izvršenih ugovora čiji karakter i kompleksnost odgovaraju predmetu nabavke, ali ne i njihova pojedinačna vrijednost (1. 6.870,00 KM bez PDV-a, 2. 4.335,00 KM bez PDV-a, 3. 4.145,00 KM bez PDV-a, 4. 5.332,00 KM bez PDV-a, 5. 36.000,00 KM bez PDV-a). Tačkom 3.4.1(Uslovi u pogledu tehničke i profesionalne sposobnosti ponuđača) tenderske dokumentacije broj: 02-45-568/25 od 19.03.2025.godine određeno je: Ponuđač u svrhu dokazivanja tehničke i profesionalne sposobnosti treba ispunjavati sljedeće minimalne uslove: a) Uspješno iskustvo u realizaciji najmanje 1 (jednog) uredno izvršenog ugovora čiji je karakter i kompleksnost sličan predmetu nabavke, u prethodnih 5 (pet) godina, odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, čija je vrijednost u minimalnom iznosu 60.000,00 KM bez PDV-a. Tačkom 3.4.2 (Dokazi za ispunjavanje uslova tehničke i profesionalne sposobnosti ponuđača) tenderske dokumentacije određeno je: a) Ponuđači su dužni u ponudi dostaviti Spisak izvršenih ugovora koji su u vezi s predmetnom nabavkom za period od posljednjih 5 (pet) godina ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, sa ukupnim vrijednosnim iznosima, datumima i primaocima, uz osiguranje potvrde za najmanje 1 (jedan) uspješno izvršen ugovor, koji su izdali primaoci (druga ugovorna strana), a čiji je karakter i kompleksnost sličan predmetu nabavke i čija je vrijednost nabavke u minimalnom iznosu 60.000,00 KM bez PDV-a. Pod ugovorima čiji su karakter i kompleksnost slični onima koji se odnose na predmet nabavke smatraju se radovi na izgradnji i/ili rekonstrukciji i/ili održavanju vanjske ulične rasvjete. Ponuđač nije dostavio dokaze za tehničku i profesionalnu sposobnost kako je zahtijevano tenderskom dokumentacijom, imajući u vidu naprijed navedeno, Komisija je jednoglasno odlučila da je ponuda ponuđača „ELEKTRING“ d.o.o. Gračanica nepravilna i uvažavajući odredbe člana 2. stav (1) tačka l) alineja (3) Zakona istu odbacila.

Pregledom i ocjenom ponuda utvrđeno je da ponude ponuđača „Saša Trade“ d.o.o. Doboj, „Kop i Ko“ d.o.o. Živinice, „ERING“ d.o.o. Živinice, „NEXEN“ d.o.o. Banja Luka i d.o.o. „Papilon“ Koraj-Čelić ispunjavaju kvalifikacione uslove predviđene tenderskom dokumentacijom, te su ocijenjene kao prihvatljive. Navedeni ponuđači dostavili su tražene dokaze zahtijevane tenderskom dokumentacijom na propisan način.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 18.04.2025.godine što je ugovorni organ i učinio, ali je ponuđač „Saša Trade“ d.o.o. Doboj obavijestio ugovorni organ da je taj dan praznik, pa je ugovorni organ uvažio takav zahtjev i izmijenio početak e-aukcije za dan 22.04.2025.godine sa početkom u 10:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije kreiran 22.04.2025.godine u 11:08 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljniji ponuđač d.o.o. „Papilon“ Koraj-Čelić sa najnižom cijenom, u iznosu od 40.990,00 KM bez PDV-a.

Komisija za nabavku nakon ocjene ponuda konstatovala je da je najpovoljnija ponuda ponuđača d.o.o. „Papilon“ Koraj-Čelić i predložila da se ugovor o predmetnoj nabavci

zaključi sa ponuđačem d.o.o. „Papilon“ Koraj-Čelić sa najnižom cijenom, a nakon održane e-aukcije u iznosu od 40.990,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka, a sve u skladu sa članom 101. i 105. Zakona.

Dostavljeno:

1. Ponuđačima (7x)
2. Komisiji za nabavke
3. Službi za urbanizam, stambeno komunalne, imovinsko pravne i geodetske poslove
4. Za općinsku web stranicu
5. Evidenciji
6. Arhivi



OPĆINSKI NAČELNIK

Admir Hrustanović, dipl. oec